



## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

Caput XIII. Nonnulla alia, quibus pium animi nostri studium in Christum  
patientem contestemur.

[urn:nbn:de:hbz:466:1-47123](#)

suo ore concelebrant, ac mortificationem ejus in suo circumferunt corpore. Addit: Christi lilia sunt specialiter sacrae Virgines, quarum est splendida & immaculata virginitas. Hæc Ambrosius.

Concludant hunc locum verba S. Bernardi loco laudato, ita ad J E S U M suspirantibus: *O dulcissime & amantissime IESU, Agne immaculatus, candide per innocentiam, rubicundus per sanguinem passionis: quam jucundum cogitare, quam salubre loqui de te! Tu enim de te loquentibus præfens, mente dulciter accendis, informas verba, & omnium in te loquendum trahis affectus, curruntque in odorem unguentorum tuorum. Et post pauca: Vide sine igitur, quorsum tendant verba charitatis & passionis? Sic ibi.*

## C A P V T   X I I I .

*Nonnulla alta, quibus pium animi nostri studium  
in Christum patientem contestemur.*

### §. I.

*Alicui Christi crucifixi, aut Matris dolentis,  
sodalitio adscribi.*

Variæ sunt tum Romæ, tum alibi gentium, societates aut phratria Je su crucifixo aut passio specialiter dicatae: quarum id institutum ac munus est, non modò Christi passionem peculiari cultu prosequi, flagellis etiam aut alijs voluntarijs afflictionibus eo respectu suscepitis, verilim etiam in alios mortales, sive in vita sive in morte auxilijs & opis indigos, misericordiam ac pietatem variè extendere. Quo in genere, non successum modò qui sperabatur, sed nomen etiam ac celebritatem jam obtinet, Christi agonizantis ac mortui, ad morientium solatium, & vivorum utilitatem, in Collegio Societatis Jesu Græcensi, haud pridem coalita So-

A a 2

dali-

dalitas; cuius bonâ famâ excitus Ferdinandus III. Imperator, unâ cum filio item Ferdinando Bohemiæ Rege, augs-tum nomen suum ei obtulit; & Leopoldus Guilielmus Cœ-saris frater, eidem inscribi, ejusque meritorum fieri parti-ceps expetijt, literis vel ex ipso Belgio eâ gratiâ scriptis.

Præter has olim florueræ, & etiamnum florent locis pluribus, Sodalitates aliæ sub Matris dolorum, seu (ut vul-gò loquimur) B. Virginis Dolorosæ cultu ac patrocinio eræctæ. Inter quas olim celeberrima fuit apud Belgas, se-ptem Dolorum B. MARIE Fraternitas; auctore Philippo Au-striaco Belgarum Principe, eo qui postea Hispaniarum Re-gna Austriacæ genti felici connubio adjunxit. Is etenim Princeps, vixdum ephebus ac pene puer, cùm ditionem suam varijs tumultibus agitatam turbatamque videret, Dei Matris tutelam speciali cultu sibi demerendam existimavit, eámque quam dixi, MARIA Dolorosæ Sodalitatem, Mechliniæ primum, ubi tunc degebat, ac postea Bruxellis, felice, consilio instituit; quæ brevi tempore per Urbes alias pro-pagata, & deinceps inde virorum Principum adscriptione nobilitata, multis quoque de cœlo donis ac prodigijs com-probata est. Vti videre licet in eo tractatu quem de ejus Fraternitatis ortu atque progressu edidit Georgius Colver-nerius Duacensis Doctor & Cancellarius. Itemque apud Augustinum Wichmans in sua Brabantia Mariana: ubi ad-dit; eandem anno 1626. Illustrissimi Archiepiscopi studio, Mechliniæ instauratam; eo successu atque ardore pietatis, ut cernere sit in numeros, religiosas Matris dolentis Statio-nes, cœlo etiam brumali, ac nocte perfrigidâ, vel detrac-tis pedum integumentis obire, vel etiam nudatis genibus fit-xisque poplitibus obrepere.

Atque ut alias in præsens omittam, florentissima est hodie Posonij in Hungaria, Virginis Filium de cruce detra-ctum sinu complexæ Congregatio: cuius nimirum eo ha-bitu

*l. 2. c. 64.*

bitu Statua, ibidem in Ecclesia majore, ingenti mortalium undique affluentium concursu colitur, & multis in dies singulos divinis beneficijs ac miraculis inclarescit.

Neque omittenda videtur hoc loco, cuiusdam è nostris Patribus (qui anno Domini 1633. Ossunæ in Hispania obiit) in Virginis Matris solitudine recolenda (sive, cù ejus mortitiatà quā triduum mortis filij sui, velut desolata & omni destituta solatio traduxit) pia ac solers industria. Qui nempe in templo Societatis nostra, Beatae Virgini aram cum Statua eo titulo erexit, cámque religionem festivā celebri-  
tate, Indulgentijs, aliisque artibus exornare, augere, ac propagare instituit.

Ad aliquod igitur ejusmodi, seu passionis Filij, seu Matris compatientis Sodalitium, pro sua adversus Christi passionem reverentia (addo, & pro loci aliorūmque adjunc-  
torum opportunitate) adjungi poterit cliens atque amator Crucifixi. Nam & Matris dolores omnino specialem ad Nati tormenta respectum habent; & ipsi Christo jucundissimum est, acerbos Matris suos luctus crebro recogitari, & pià quadam condolentiâ celebrari: uti postea demon-  
strabitur.

### §. 2.

*Crucis effigiem, & nominis I E S U figuram, ubi occurrerit,  
aliqua pietatis significatione venerari.*

**C**rucem in trivijs aliisque locis publicè prostantem signo aliquo venerationis prosequi, Christiani officij nonnulla pars est; & apud plerosque recepti moris esse videtur. Addimus modò, non tantum crucis aut Crucifixi effigiem, ubi occurrerit, piè salutandam ac venerandam, sed etiam nominis J E S U figuram, uti pañim vel auro aut coloribus expressa, vel marmori aut saxis insculpta ad venerationem proponitur, simili officio prosequendam.

Hæc

Hæc enim etiam ( si attendimus ) monumentum quod-  
dam est passionis Christi : sive quod in ea in modum cru-  
cis effictus apex , aut etiam infernè adjecti clavi , ejusdem  
passionis memoriam intuentium sensibus ingerunt : sive  
quod vel ipsa salutaris nominis significatio ( etsi occultati-  
ratione ) Salvatoris cruciatuum nos admonet ; quippe qui  
non nisi per passionem & mortem , tanti nominis vim ac di-  
gnitatem , aut promeruerit aut præstiterit ; eoque nomine  
sibi imposito , ipsam quoque pro nobis moriendi legem at-  
que obligationem unà sibi imponi senserit.

Atque ad eandem vim atque energiam in J E S U inclu-  
sam nomine exactius explicandam , congruâ ratione dice-  
mus , hæc quæ memoravi passionis Christi symbola ; jam  
passim adjici solere .

Sanè sacrosancto JESU nomini , apicis loco , crucem  
superimponendi , vetustior paulò & ab aliquot seculis re-  
cepta consuetudo est : ex eo fortassis primùm exorta ; quod  
ad id temporis nomen illud Gothicis literis exarati solent ,  
ita ut medium elementum esset aspirationis litera , superio-  
ri ejus literæ parte , ex Gothica pingendi ratione , ab alijs li-  
teris paulùm extante , & in altum surrecta ; cuius rei plus  
hodiéque supersunt exempla . Ferturque hac ipsâ litera-  
rum formâ descriptum fuisse id J E S U nomen , quod auro  
pictum & aureis radijs incinctum ( re id temporis novâ &  
insolitâ , sed in usum deinceps passim receptâ ) adorandum  
populis proponebat S. Bernardinus Senensis : uti nos quo-  
que in vetustis quibusdâ ejus Sancti iconibus observavimus .

Cùm autem nomini ita descripto , virgula aliqua su-  
pernè , veluti compendij nota , de more adiijceretur ; siebat  
ut'ea virgulâ in extantem illam medij elementi portionem  
incidente , cāmque ex transverso secante , crux non obsevare  
repræsentaretur . Quem usum postea , etiam cùm conser-  
tis , seu Romanis , literis nomen J E S U pingendi mos inva-  
luit ,

*Prælog. ad  
Martyr.  
Francisc.*

luit, retineri placuerit; cruce, etiam distinctius expressa, & ex medio elemento (sive id Latina aspiratio est, ex vulgi sensu; sive, ex doctiorum sententiâ, ea vocalis, quæ in IESU <sup>Adam Ma-</sup><sub>nus: senior</sub> nomine Græcè scripto secundum locum obtinet) eviden- <sup>apud Nigr.</sup>tiùs prominentia.

Cui suspicioni favere videtur Julius Nigronius noster, *In reg. com.* dum nomini IESU docet præponi crucem, pro apice seu p. 3. *Int.* nota compendij: quam tamen observat non semper fuisse n. 55. in nomine S. Bernardini.

Quod porrò ad clavos postea adjectos attinet; tradit idem autor, S. Ignatium P. N. eidem nomini (quod nempe suæ familie tanquam insigne esse voluit) subiecisse tres clavos Dominicæ passionis. Sive id fecerit ad expressiorem Christi cruciatuum representationem; sive ut id esset religiosæ vitæ ac mortificationis symbolum; atque, ut intellegeremus, inquit Nigronius, militantibus nobis sub illo vexillo, ferendam esse crucem mortificationis, & perpetiendos clavos laborum & dolorum pro Christo, usque ad vulnera, sanguinis effusionem, & mortem. Cùm & alioqui per eosdem clavos aptè significantur tria illa vota, quæ Religiosi statutus quis substantiam constituunt; ut amplius infrâ, aliâ occasione declarabitur.

Igitur plurium Sanctorum exemplo (& nominatum Juliani Anachorëta, qui, id attestante Beato Ephrem in eius vita, nomen hoc ubicunque reperiébat, lacrymis aspergebatur & quasi oblitterabat) usitatam illam nominis IESU figuram pio animi sensu cultuque congruo prosequamur: neque eam utcunque, velut Salvatoris & salutis insigne, aspiciamus, verum etiam ut mortis Christi monumentum

& velut quandam cruciatuum ejus imaginem deveneremur atque exosculemur.

S. 3.

## §. 3.

*Pro amore Christi crucifixi, aut passionis eius reverentia,  
quicquam petenti, non facile denegare.*

Vte. c. 1.

**S**anctum Franciscum refert S. Bonaventura, cum quadam die pauperem pro Dei amore stipem petentem, præter consuetudinem repulisset, repente eo facto commotum, non modò eidem revocato misericordiam largè impertivisse, sed etiam Deo ex eo die promisisse, nemini te unquam ejus nomine petenti, eleemosynam negaturum. Verum id virtutis non eiusvis est; nec scio an satis congruat communī hominum imbecillitati, in ea præsertim frequentia inopum, interposito Dei nomine flagitantium.

Mitius & tolerabilius est, quod hic asceta nostro ponimus: nimirum ut eorum saltem, qui appellatā passionē Domini, aut Christi crucifixi nomine, quidpiam exposunt, speciale rationem habeat, eoque nomine proficiens eorum misereatur, nec facile quicquam (quod ei quidem concedere promptum sit) denegare consuecat.

Id quippe studium, & ad non vulgarem adversus passionem Christi reverentiam contestandam, & ad nostrum, etiam in Crucifixum amorem alendum atque exaugendum, & ad ipsum denique benignissimum Redemptorem eo obsequio singulariter demerendum, non mediocriter valitum esse. Qui utique sibi specialius impensum reputabit, quidquid eā quam dixi contemplatione, in membra sua operis egena, benignitatis collatum fuerit.

Neque verò id quod nunc agimus, de stibis tantum receive ejusmodi impensa, velim intelligi; verum de qua cunque sive corporali sive spirituali misericordia impetranda, cum eam contingat, Christi patientis interposito nomine, efflagitari. Nominatim autem (quod, uti ceteris difficultius, ita acceptissimum divino cordi misericordiz g

mūs

nus est) de atroci quoque offensione remittenda, parcentoque hosti, quem etiam in potestate habeas; ejus nimis intuitu, qui cum adhuc inimici essemus non utcunque ignovit, sed ut iratum nobis placaret Patrem, vitam ipsam suam omnemque sanguinem profudit.

Est enim hoc Christo, Paci nostra, jocundissimum sanè Sacrificium: si in ipso ardore ultiōnis, ad allegatam, aut sponte suā animo recurrentem, passionis Domini memoriam, conceptum jam furorem comprimas, & unā cum armis, vindictæ ponas cupiditatem, ipsamque dulcem animo furenti, ulciscendi libidinem, velut victimam Crucifixo imoles. Qui proinde fertur, quām sibi id foret complacitum, non uno documento declarāsse.

Notum est quod S. Joanni Gualberto contigit: qui, *vit. c. 14*  
cū inimico pepercisset, in crucis modum conformatis *§ 2.*  
manibus, per Crucifixi amorem veritati poscenti, móxque  
templum ingressus, ante Crucifixi imaginem, provolutus  
genibus precaretur, vidit Christi in cruce pendentis caput  
ad se inclinari, quasi ipsi gratias ageret, quod pro passionis  
fus reverentiā, eo in articulo hosti capitali pepercisset.  
Quod ipsum aliás, nec semel, alijs contigisse; tum apud S. *Spec. Exa.*  
Petrum Damiani, tum apud Thomam Cantipratanum. *empl. d. 1.*  
reperies. *Cantipr.*  
*L. 2. c. 18.*

Quod mihi subeat non ex vano fortassis conjectare:  
eum qui ejusmodi aliquo præclaro facinore singularem adde à Iesu crucifixo gratiam inierit, in æternum peritum non esse: ut hoc etiam sensu valere possit in rem præsentem, quod in causa simili Davidi spondebat prudentissima Abigail: *Erit anima Domini mei custodita quasi in fasciculo viventium,* (hoc est, in fasciculo, sive numero prædestinatorum, inquit Vgo Cardinalis) *apud Dominum Deum tuum;* aut quod sibi apprecabatur David, cū manum a Saule inimico suo abstinuisse: *Sicut magnificata est anima (seu vita)* *Ibid: c. 26.*

B b

168

*tua hodie in oculis meis: sic magnificetur anima mea (hoc est, magna & pretiosa habecatur) in oculis Domini, & liberet me de omni angustia: præsertim autem de angustia sempiterna,*

*De Reg.  
Lusit.*

Hoc denique loco commemorabile est Joannis II. Lusitanæ Regis exemplum: qui (ut testatur Vasconcellus noster) secreto se voto obstrinxerat; nihil se negaturum, unquam quod interpositis Christi vulneribus peteretur. Itaque tum in alios alias, eâ causâ beneficus extitit; tum mulieri, die Parasceves, marito capitîs damnato, per Christi mortem ac vulnera vitam oranti, veniam liberaliter indulxit.

## C A P U T X I V .

*Diem sextam cujusque hebdomadæ, uti Christi passioni dicatam, cultu proprio celebrari oportere.*

### §. I.

*Rationes seu artes nonnullæ, ad eam diem peculiariter celebrandam, accommodatae.*

**D**ies sexta cujusque hebdomadæ, tum ipsâ temporis ratione (quod eâ die Salvator noster crucem ac mortem nostrâ causâ subiit) tum vetustissimo Ecclesiæ instituto, & sive fidelium, commemorationi Dominicæ passionis specialiter consecrata, non est absque aliqua ejusdem passionis memoria, aut cultu proprio, transmittenda.

Eâ gratiâ potes in primis, eâ saltem die, matutinis horis piæ cruciatuum Salvatoris commentationi partem aliquam temporis tribuere, aut aliquid de ejus argumenti bello legere; quo patientis Christi recordationem in tressuscites, atque inde conceptum dolorem compunctionisq; sensum, in reliquum diem retineas.

Speci-